

Agustin Stamper for di Hulanda:

Aceptacion di parehanan casa homosexual riba nos isla

Sta. Cruz – Zuidholland -- Actualmente tin un diskushon riba aseptashon di parehanan kasa di e mesun sekso, kasa na Hulanda, ku kier establese riba nos isla natal stima o ruman, Korsou. E diskushon aki ta prueba kon nos aktual outonomia, tantu esun di nos isla komo esun di Hulanda den Reinado Hulandes, kon esakinan a bin mara nos fuertemente den e diferensianan hopi grandi ku nos tin den nos relashonan humano den e propio Reinado aki. Nunka desde 15 di desember 1954, tempu ku a introdusi e aktual outonomianan den loke ta konosi bou di e nomber Rei-NO Hulandes, nunka te ku e dia diawe esakinan a wordu evalua konforme e balornan di e nashonalidat Hulandes ku nos kriaturanan a/ta nase kune riba nos isla Korsou. Historia a bin prueba ku e outonomianan aki a bin hasi nos partnernan DES-igual den Rei-NO Hulandes. Logiko, pa motibu ku e outonomianan aki a bin ta primi nos riba e diferensianan, por bisa, hopi grandi ku nos tin den nos rekursonan humano, rekursonan di 'mentalidat'. Komo 'zelfstandige onderzoeker Koninkrijksrelaties', sr. A.C. Stamper a bin diskubri ku e diferensianan hopi grandi ku nos tin den nos rekursonan, nos relashonan humano den Reinado Hulandes, tin tur kos di hasi ku e difensianan grandi ku nos tin den 'klima' den Reinado Hulandes. E faktor 'klima' ront di nos planeta tin un influensia hopi grandi den 'formashon di nos manera di pensa' bou

humanidat, nos mentalidat pues. Historia a bin prueba ku e outonomianan aki, kualnan den ningun sentido ta pas mas ku e epoka ku nos ta bibando aden, NO por a bin duna nos ni e minimo espasio pa mara nos mes mas tantu na e balornan di e nashonalidat ku nos hendenan a/ta nase kune den Karibe parti di Reinado Hulandes. Balor pa nashonalidat ta ora karga esaki den nos identidat den nos relashonan humano den Reinado Hulandes, maske nos tin nos propio norma i balornan Karibense den Reinado Hulandes. Ku e balornan pa e nashonalidat Hulandes aki 'so', den nos relashonan humano den Reinado, lo por tin respet i aseptashon pa e diferensianan grandi kousa pa medio di influensianan klimatologiko ku ta yuda forma nos manera di pensa den nos rekursonan humano, den nos relashonan humano den Reinado Hulandes. E klima frieu di Hulanda ku ta masha diferente na e klima kayente riba nos isla, por ehempel, tin un influensia grandi pa un of otro motibu, di un o otro forma e ta laga hendenan, sernan humano nase mas tantu ku e sekso maskulino. Den klimanan tropikalesaki, por bisa, ta net kontrario, esta einan ta nase mas tantu sernan humano ku e sekso 'femenino'. NO muchu añanan pasa akinan tabata tin un skarsedat grandi na sernan femenino pa e kantidat di hendenan homber bou di e kategoria di edat entre 17 pa 24 aña. Aparte di e hecho ku e 'faktor klima' tin un influensia grandi den formashon di e mentalidat di sernan

humano ront mundu, e tin un influensia tambe, por ser bisa, den formashon di e sekso di e serhumano. Algo tog un tantu logiko pasombra e faktor klima tambe ta algo ku tin 'bida'. Lamentablemente NO tin literatura den e materia di fundamentalismo importansha aki. E 'faktor klima' ta duna nos partnernan Europeo den Reinado Hulandes un manera di pensa mas 'rashonal' ku emoshonal. Maske seksualidat tin su base mas tantu den e bida 'emoshonal' di e serhumano, e mentalidat dado momentu ta kai riba e parti 'rashonal' den e parti Europeo di Reinado Hulandes. Rashonal den e sentido di ku dado momentu NO ta fokus riba sekso sea femenino o maskulino, sino riba, por ehempel, skarsedat di un di e seksonan den e komunidad ku NO mag stroba pa e akto seksual por tuma lugar bou sernan humano ya ku suficiente rason (tino) pa skohe ku kual sekso e relashon aki lo mester tuma lugar. Prome ku e faktor klimatologiko tin esun, por bisa, aun mas importante, esta kon nos komo sernan humano mes ta nase riba es planeta aki. Historia a bin prueba ku nos tur ta nase komo sernan humano 'imperfekto', asina imperfekto ku tin di nos ta nase ku defisiensianan fisiko o mental, tambe tin biaha ku un kombinashon di e defisiensianan menshona. Nos tur ta asina tantu imperfekto ku nos tur, sin eksepsion, mester pero mester muri un dia, esaki ta nada otro ku Kreashon di Papa Dios. Den nos 'imperfekshonan

humano' nos por nase pues ku 'desviashonan' pa ku nos aktitut seksual den bida. Algo pues, ku por ser konsidera komo normal pa e simpel hecho ku nos niun ni niungun ta 'perfekto' komo sernan humano den es mundu aki. Papa Dios a Krea nos si, di tal manera ku nunka e 'desviashonan seksual' por bai domina riba nos forsa natural pa nos 're-produksi' nos mes mediante nos 'seksonan kontrario', esta via e ser femenino y esun maskulino. Awor, i ya pa varios aña kaba nos konose algu nobo aki na Hulanda esta e 'matrimonio homoseksual'. Sernan humano ku ta skohe pa sitma un otro serhumano di e mesun sekso NO ta nada nobo, pero e matrimonio di e mesun sekso si. Si NO tabata tin sernan humano homoseksual anto lo ta mas ku logiko ku lo NO por tin matrimonio di e mesun sekso tampoko, ni aki i ni otro partinan den mundu. E matrimonio aki tin un aspekto masha 'rashonal', NO por stop desviashonan seksual den e imperfekshonan humano, imperfekshonan ku NO ta kita bida pero tampoko ta duna bida den e sentido di re-produkshon. Rashonal: si nan ta 'stima' otro komo sernan humano sin laga e diferensianan di sekso hunga un rol 'determinante', duna nan e 'derecho' anto di kasa ku otro pa nan tin e 'derechonon rashonal' meskos ku parehanan normal sin desviashon tin. Akinan e esensia di artitulo mama (art. 1) di e leinan konstitushonal di e pais Hulanda ta bai hopi leu den e sentido di DERECHO, den un 'estado di derecho'. Ta altamente lamentable

ku e aktual outonomianan a bin mara nos den e diferensianan hopi grandi ku nos tin den nos mentalidat, e diferensianan aki ta hibando nos den un kiebro. Es mas, 'mester' hiba nos den un kiebro. Dia 23 di desember 2004, na Oranjestad Aruba, minister Thom de Graaf, e tempu ei minister pa 'Koninkrijksrelaties' a deklarar bon kla einan den Karibe, relashona ku un diskushon fuerte riba inskripshon di un pareha di e mesun sekso den poder di e nashonalidat Hulandes ku a kasa ku otro aki na Hulanda: "Als de regering van Aruba de inschrijving van het homoseksuele stel weigert, dan móét het eiland Aruba onafhankelijk worden". NO por tuma sr. de Graaf na malu tampoko pa e simpel echo ku desde 15 di desember 1954 Hulanda NO a bin ta debe Aruba un 'relashon duradero' mas via e aktual outonomia-nan. Ta bon konosi ku dia prome di januari 1986, fecha ku Aruba (isla natal o ruman) a haya su Status Aparte, su pueblo NO a haya un outonomia nobo sino e mesun outonomia bieu, ku ta primi riba nos diferensianan grandi, di 15 di desember 1954 a wordu 'prolonga' pa e isla te ku e dia diawe. Ta un milagro hopi grandi ku e asina yama Rei-NO Hulandes ta eksiti awe ainda ku e aktual outonomia-nan.

Keda pendiente pa e parti 2 di e artikulo aki, ku poder di Dios.

Prohiminalmente, Nos Derechonon. Augustin C. Stamper. E-mail: nosderechonon@hotmail.com

23-25 SEPTEMBER, 2008
RENAISSANCE
CONVENTION CENTER,
ARUBA



IX Business Forum of the Greater Caribbean

Online Registration is now open

www.9acsbusinessforum-aruba.com

Expose your products and services to a wider audience of local and international companies

ELTON'S LAUNDROMAT & DRYCLEANING

Hooibert 93-C Tel: 525 6741 Fax: 585 1899

Pa tur bo panjanan limpi ta serka nos bo mester ta. Ta costabo solamente 4 minuut di bo tempo, 2 minuut pa trece y 2 minuut pa busca. Nos tin servicio di Laba-Seca Dobra, press panja, servicio di DryCleaning, trece bo panjanan prome cu 10:00am y buscanan atardi mes un dia. Tambe por laba y seca bo mes usando nos sistema unico di kaartje prepaga...

Horarionan ta di Dialuna pa Diasabra 08:00am pa 06:00pm non stop.

Nos ta situa riba caminda grandi di Santa Cruz pa Oranjestad.